

**BOSNA I HERCEGOVINA**  
FEDERACIJA BOSNE I HERCEGOVINE  
UNSKO - SANSKI KANTON  
OPĆINA CAZIN

**SLUŽBENE NOVINE**  
**OPĆINE CAZIN**

# OPĆINSKO VIJEĆE

**905.** Na osnovu člana 40. i člana 138. a u vezi sa članom 7. Statuta Općine Cazin («Službene novine» općine Cazin, broj: 2/02) Općinsko vijeće Općine Cazin, na svojoj redovnoj X sjednici održanoj 27.08.2005.godine, donijelo je

## O D L U K U o upotrebi grba i zastave općine Cazin

### I OPĆE ODREDBE

#### Član 1.

Odlukom o upotrebi grba i zastave Općine Cazin (u daljem tekstu: Odluka) uređuje se upotreba grba i zastave Općine Cazin (daljem tekstu: Općina).

#### Član 2.

Grbom i zastavom Općine predstavlja se Općina i izražava pripadnost Općini.

### II UPOTREBA GRBA I ZASTAVE

#### Član 3.

Grb i zastava Općine upotrebljavaju se u skladu s odredbama ove Odluke na način kojim se ističe ugled i dostojanstvo Općine.

#### Član 4.

Grb i zastava Općine mogu se upotrebljavati samo u obliku i sadržaju utvrđenim Odlukom o grbu i zastavi Općine.

U grbu i zastavi Općine ne može se ništa mijenjati.

#### Član 5.

Grb i zastavu Općine ne mogu se upotrijebiti kao robni ili uslužni žig, uzorak ili model, niti bilo koji znak za obilježavanje robe ili usluga.

Izuzetno, grb i zastava Općine mogu se upotrijebiti kao sastavni dio drugih obilježja (vojne, komandne i rangovne zastave i sl.) o čemu odlučuje Općinsko vijeće.

#### Član 6.

Upotreba grba i zastave Općine slobodna je u umjetničkom stvaralaštvu i odgojno-nastavnoj svrsi pod uvjetom da se time ne vrijeđa ugled i dostojanstvo Općine.

#### Član 7.

Grb i zastava Općine ne mogu se upotrebljavati na javnom mjestu ako su oštećeni ili svojim izgledom nepodobni za upotrebu.

Oštećeni ili za upotrebu nepodobni grb i zastava povlači se iz upotrebe.

#### Član 8.

Grb Općine upotrebljava se:

1.U sastavu pečata Općine shodno zakonskim propisima,

2.U službenim prostorijama i natpisima na zgradi gdje je smještena općinska uprava te po potrebi na službenim autima,

3.Prilikom međunarodnih susreta, takmičenja i drugih skupova (političkih, naučnih, kulturno-umjetničkih, sportskih i dr.) na kojima Općina učestvuje ili je reprezentovana u skladu sa pravilima i praksom održavanja takvih skupova,

4.Na zvaničnim pozivnicama, čestitkama i sličnim aktima koje koristi Općinski načelnik i Općinsko vijeće.

5.U drugim slučajevima, ako njegova upotreba nije u suprotnosti sa Zakonom i ovom Odlukom.

#### Član 9.

Zastava Općine ističe se:

1.Na zgradi općinske uprave i mjesnih ureda za vrijeme praznika, proslava i svečanosti obilježavanja Općine Cazin,

2.Prilikom međunarodnih susreta, takmičenja i drugih masovnih svečanosti i skupova, (političkih, naučnih, kulturno - umjetničkih, sportskih i komemorativnih) koji su od značaja za općinu,

3.U drugim slučajevima, ako njena upotreba nije u suprotnosti sa Zakonom i ovom Odlukom.

#### Član 10.

Ako se ističe zajedno sa grbom ili zastavom Bosne i Hercegovine, Federacije Bosne i Hercegovine ili Kantona, grb ili zastava općine se stavlja sa desne strane sprijeda gledano.

Ako se grb ili zastava Općine ističe zajedno sa jednim ili više domaćih ili stranih grbova, zastava ili drugih sličnih obilježja istog ili nižeg ranga, grb ili zastava Općine zauzimaju počasno mjesto.

### III ZAVRŠNA ODREDBA

#### Član 11.

Ova Odluka stupa na snagu osmog dana od dana objavljivanja u «Službenim novinama» općine Cazin.

PREDSJEDAVAJUĆI VIJEĆA  
Hozanović Rifet

Broj: 01/V-05-6892/05

Datum: 27.08.2005. godine

\*\*\*\*\*

**906.** Na osnovu člana 2. stav 3. Zakona o javnim priznanjima Unsko-sanskog kantona («Sl. Glasnik USK-a, broj: 4/98) i člana 40. Statuta općine Cazin («Službene novine» općine Cazin, broj: 02/02) Općinsko vijeće općine Cazin na svojoj redovnoj X sjednici održanoj dana 27.08.2005. godine, donijelo je

## O D L U K U O OPĆINSKIM PRIZNANJIMA

### I. OPĆE ODREDBE

#### Član 1.

Ovom Odlukom utvrđuju se općinska priznanja općine Cazin (u daljem tekstu: općinska priznanja), uslovi i postupak za njihovu dodjelu.

#### Član 2.

Utvrđuje se sljedeća općinska priznanja:

1. Nagrada 06. August,
2. Zvanje počasnog građanina općine Cazin,
3. Plaketa općine Cazin,
4. Zahvalnica.

#### Član 3.

Općinska priznanja dodjeljuju se građanima pojedinačno i grupno, organizacijama i institucijama i drugim pravnim licima koja su se istakla u ratu svojim radom, angažiranjem i rezultatima na odbrani općine, kao i fizičkim i pravnim licima koja su se istakla svojim radom, angažiranjem i rezultatima u razvoju općine, poslijeratnoj obnovi, obavljanju poslova od općeg značaja za život i rad građana, postignute rezultate na unapređenju i zaštiti čovjekove radne i životne sredine, na očuvanju kulturne i prirodne baštine, posebnim doprinosom u privrednoj, zdravstvenoj, kulturnoj, obrazovnoj, naučnoj i sportskoj djelatnosti, jačanju i razvijanju međunacionalnih odnosa, ljudskih prava i sloboda kao i humanitarnim i dobrotvornim aktivnostima.

### II. POSEBNE ODREDBE

#### 1. Nagrada 06. August

#### Član 4.

Nagrada 06. August dodjeljuje se kao najviše općinsko priznanje za izuzetna ostvarenja i rezultate rada u oblasti privrede, nauke, kulture, vaspitanja i obrazovanja, tehnike i tehnologije, sporta, zdravstva i socijalne zaštite, zaštite čovjekove sredine i u drugim oblastima rada i stvaralaštva bez obzira na godine ostvarenja, a koji doprinose ukupnom unapređenju i razvoju općine.

#### Član 5.

Pod izuzetnim ostvarenjem iz prethodnog člana podrazumjevaju se djelo, odnosno više radova koji čine zaokruženu cjelinu i koji doprinose razvoju odgovarajuće oblasti, a objavljeni su u naučnim, kulturnim i stručnim publikacijama, kao i na izložbama.

Uručivanje općinskih priznanja vrši se na svečanoj sjednici Općinskog vijeća povodom obilježavanja Dana općine Cazina ili u drugoj svečanoj prilici, te naučnim i drugim skupovima organiziranim u odgovarajućoj oblasti.

Pod rezultatima rada podrazumjevaju se rezultati koji su stekli značajnu primjenu u proizvodnji i drugim oblastima društvenog života i rada ili su doprinijeli značajnom unapređenju odgovarajuće oblasti.

#### Član 6.

Nagrada 06. August se dodjeljuje pojedincima – građanima, grupama stvaralaca, privrednim društvima, ustanovama, udruženjima građana i drugim pravnim licima sa područja općine, kao i onima van područja općine, ako se njihova ostvarenja odnose na općinu Cazin.

Nagrada se dodjeljuje kao pojedinačna, grupna ili kolektivna.

#### Član 7.

U jednoj godini dodjeljuje se jedna nagrada 06. August, a koja se sastoji od povelje i novčanog dijela.

Povelja je izrađena na pergamentu formata B-4 (35 x 25 cm), a sastoji se iz dvolista sa utisnutim grbom općine Cazin u zlatnoj boji na obje strane dvolista. Na lijevoj strani je prigodan tekst iz istorije Općine Cazina a na desnoj strani je ispisan naziv povelje, ime i prezime osobe odnosno naziv pravnog lica kojem se dodjeljuje i razlog radi kojeg se dodjeljuje.

Novčani iznos nagrade određuje se u visini od 3.000.-KM.

#### 2. Zvanje počasnog građanina općine Cazin

#### Član 8.

Zvanje počasnog građanina općine Cazin je izuzetno općinsko priznanje koje se dodjeljuje građanima Bosne i Hercegovine i stranim državljanima koji su naročito zaslužni za razvoj i opći napredak općine Cazin, Unsko-sanskog kantona i Bosne i Hercegovine, za međunarodnu saradnju i mir u svijetu, za jačanje i razvijanje međunacionalnih odnosa, ljudskih prava i sloboda, demokratičnosti, humanitosti, solidarnosti i toleranciji među ljudima različite nacije, vjere i kulture, te humanitarnim i drugim dobrotvornim aktivnostima.

Zvanje počasnog građanina dodjeljuje se posebnom poveljom koja se upisuje u spomen-knjigu koju čuva sekretar Općinskog vijeća.

Povelja je izrađena na pergamentu A-3 formata (42 x 30 cm) sa utisnutim grbom općine Cazin u zlatnoj boji, imenom i prezimenom osobe kojoj se dodjeljuje i razlogom radi kojeg se dodjeljuje.

### 3. Plaketa općine Cazin

#### Član 9.

Plaketa općine Cazin dodjeljuje se građanima Bosne i Hercegovine i stranim državljanima i organizacijama, privrednim društvima, organizacijama, institucijama, mjesnim zajednicama i drugim pravnim licima koji su se istakli u ratu svojim radom, angažiranjem i rezultatima u odbrani općine Cazin kao i organizaciji života i rada građana u ratnim uslovima, poslijeratnoj obnovi i izgradnji općine, te na obavljanju poslova od općeg značaja za život i rad građana, na unapređenju i zaštiti čovjekove radne i životne sredine, posebnim doprinosom u kulturnoj, obrazovanoj, naučnoj sportskoj djelatnosti i humanitarnim i dobrotovornim aktivnostima.

#### Član 10.

Plaketa općine Cazin sadrži grb općine, izrađena je na mesinganoj podlozi pravougaonog oblika dimenzija 25 x 20 cm, sa imenom i prezimenom osobe kojoj se dodjeljuje uz navođenje razloga radi kojeg se dodjeljuje.

### 4. Zahvalnica

#### Član 11.

Zahvalnica je općinsko priznanje koje se dodjeljuje privrednim društvima, organizacijama, institucijama, mjesnim zajednicama i drugim pravnim licima za rezultate u poslovanju iz svoje djelatnosti koje su od općeg značaja za život i rad građana općine Cazin.

Zahvalnica se dodjeljuje u vidu diplome dimenzija 40 x 30 cm na kojoj je otisnut grb općine Cazin u zlatnoj boji, sa ispisanim imenom odnosno nazivom subjekta i razlogom radi kojeg se dodjeljuje.

### III. POSTUPAK ZA DODJELU OPĆINSKIH PRIZNANJA

#### Član 12.

Inicijativu za dodjelu općinskih priznanja, odnosno isticanje kandidature mogu podnositi građani pojedinačno ili grupno, boračke organizacije i udruženja, udruženja građana, mjesne zajednice s područja općine Cazin, privredna društva, ustanove i druga pravna lica i organizacije, klubovi vjećnika, političke stranke i Općinski načelnik.

U ime pravnih lica i organizacija prijedlog podnosi najviši organ upravljanja, odnosno najviši organ predlagača.

Inicijativa iz stava 1. ovog člana mora biti detaljno obrazložena uz navođenje svih relevantnih elemenata za ocjenu uspjeha predloženih kandidata i podnesena Komisiji za odlikovanje i općinska priznanja općine Cazin.

Komisija iz prethodnog stava na osnovu podnesenih inicijativa sačinjava prijedlog odluke kandidata sa obrazloženjem za dodjelu općinskih priznanja, koju dostavlja Općinskom vijeću.

#### Član 13.

Putev sredstava javnog informisanja obavještice se podnosioci inicijative iz stava 1. prethodnog člana o uslovima i načinu predlaganja kandidata za dodjelu općinskih priznanja.

#### Član 14.

Odluku o dodjeli općinskih priznanja donosi Općinsko vijeće u redovnoj proceduri prema Poslovniku.

Uručivanje općinskih priznanja vrši se na svečanoj sjednici Općinskog vijeća povodom obilježavanja Dana Općine Cazin ili drugoj svečanoj prilici.

#### Član 15.

Stručne i administrativne poslove za Komisiju za odlikovanje i općinska priznanja kao i evidencije o dodjeljenim općinskim priznanjima obavlja Služba za stručne poslove Općinskog vijeća i općinskog načelnika.

#### Član 16.

Za provođenje ove Odluke sredstva se obezbjeđuju u Budžetu Općine.

### IV. PRELAZNE I ZAVRŠNE ODREDBE

#### Član 17.

Ova Odluka stupa na snagu danom donošenja a ima se objaviti na oglasnoj tabli općine i u "Službenim novinama" općine Cazin.

PREDSJEDAVAJUĆI VIJEĆA

Hozanović Rifet

**Broj: 01/V-05-6833/05**

**Datum: 27.08.2005. godine**

\*\*\*\*\*

**907.** Na osnovu člana 40. tačka 2. Statuta općine Cazin («Službene novine» općine Cazin br. 2/02), člana 2. a u vezi sa članom 9. i 10. Odluke o općinskim priznanjima Općine Cazin broj: 01/V-05-6833/05 Općinsko vijeće općine Cazin na svojoj X redovnoj sjednici održanoj 27.08.2005. godine, donijelo je

**O D L U K U**  
o dodjeli priznanja PLAKETA OPĆINE CAZIN

## I

Radi odavanja priznanja u razvijanju univerzalnih vrijednosti: demokratičnosti, humanosti, solidarnosti i toleranciji među ljudima različite nacije, vjere, kulture, pružanju pomoći u poslijeratnoj obnovi i izgradnji Općine Cazin, obavljanju poslova od općeg značaja za život i rad građana na unapređenju i zaštiti čovjekove radne i životne sredine na Općini Cazin dobitnik priznanja PLAKETA OPĆINE CAZIN je,

**RAFAEL ABELARDO PALACIOS GARCIA**

direktor u Asturijanskoj agenciji za humanitarnu pomoć u vladi pokrajine ASTURIAS – Španija.

## II

Ova Odluka stupa na snagu odmah a objavit će se u "Službenim novinama" općine Cazin.

PREDSJEDAVAJUĆI VIJEĆA  
Hozanović Rifet

**Broj: 01/V-05-6705/05**  
**Datum: 27.08.2005. godine**

\*\*\*\*\*

**908.** Na osnovu člana 40. Statuta Općine Cazin («Službene novine» općine Cazin br. 2/02) člana 101. Poslovnika o radu Općinskog vijeća općine Cazin («Službene novine» općine Cazin br. 1/03), Općinsko vijeće Općine Cazin na svojoj redovnoj X sjednici održanoj 27.08.2005. godine, donijelo je

**Z A K L J U Č A K**

## I

Usvaja se Izvještaj o izvršenju Budžeta općine Cazin za period 01.01.-30.06.2005. godine.

## II

Ovaj Zaključak stupa na snagu odmah a ima se objaviti u «Službenim novinama» općine Cazin.

PREDSJEDAVAJUĆI VIJEĆA  
Hozanović Rifet

**Broj: 01/V-05-6902/05**  
**Datum: 27.08.2005. godine**

\*\*\*\*\*

**909.** Na osnovu člana 40. Statuta Općine Cazin («Službene novine» općine Cazin br. 2/02) člana 101. Poslovnika o radu Općinskog vijeća općine Cazin

(«Službene novine» općine Cazin br. 1/03), Općinsko vijeće Općine Cazin na svojoj redovnoj X sjednici održanoj 27.08.2005. godine, donijelo je

**Z A K L J U Č A K**

## I

Usvaja se Izvještaj o utrošku nepredvidjenih grantova (rezerva) za period od 01.01.-30.06.2005. godine.

## II

Ovaj Zaključak stupa na snagu odmah a ima se objaviti u «Službenim novinama» općine Cazin.

PREDSJEDAVAJUĆI VIJEĆA  
Hozanović Rifet

**Broj: 01/V-05-6903/05**  
**Datum: 27.08.2005. godine**

\*\*\*\*\*

**910.** Na osnovu člana 40. Statuta Općine Cazin («Službene novine» općine Cazin br. 2/02) člana 101. Poslovnika o radu Općinskog vijeća općine Cazin («Službene novine» općine Cazin br. 1/03), Općinsko vijeće Općine Cazin na svojoj redovnoj X sjednici održanoj 27.08.2005. godine, donijelo je

**Z A K L J U Č A K**

## I

Da se hitno aktivira deponija «Meždre-Bajrići» kao deponija za odlaganje komunalnog otpada za Općinu Cazin.

## II

Ovaj Zaključak stupa na snagu odmah a ima se objaviti u «Službenim novinama» općine Cazin.

PREDSJEDAVAJUĆI VIJEĆA  
Hozanović Rifet

**Broj: 01/V-05-6901/05**  
**Datum: 27.08.2005. godine**

\*\*\*\*\*

**OPĆINSKI NAČELNIK**

**911.** Na osnovu člana 139. Statuta općine Cazin ("Sl. novine općine Cazin", broj: 2/02), Općinski načelnik d o n o s i

**R J E Š E N J E****I**

O imenovanju Komisije za izradu prijedloga forme plana rada, finansijskog plana, izvještaja o radu i finansijskog poslovanju u sastavu kako slijedi:

1. Elvis Prošić-predsjednik,
2. Velagić Hamdija,
3. Bajrić Azra,
4. Ismet Đuzelić,
5. Ljubijankić Advan,
6. Hadžipašić Admir,
7. Muminović Amir.

**II**

Zadatak komisije je da u roku od 30 dana od dana donošenja ovog rješenja utvrdi prijedlog forme Plana rada, prijedlog forme finansijskog plana i prijedlog forme finansijskog poslovanja i izvještaja o radu Javnih ustanova i Javnih poduzeća.

**III**

Rješenje stupa na snagu danom donošenja i ima se objaviti u Službenim novinama općine Cazin.

OPĆINSKI NAČELNIK  
Nermin Ogrješević, dipl.ecc

**Broj: 01/N-05-6868/05**

**Datum: 22.08.2005.godine**

\*\*\*\*\*

**912.** Na osnovu člana 20. stav 3. Odluke o preuzimanju prava i obaveza osnivača prema JU «Centar za socijalni rad» Cazin («Službene novine» općine Cazin 2/02) u skladu sa članom 34. stav 3. Zakona o javnim ustanovama («Službeni list R BiH» br. 6/92), a u vezi sa članom 12. stav 3. Zakona o ministarskim, vladinim i drugim imenovanjima («Službene novine» F BiH broj: 12/03) i člana 139. Statuta općine Cazin («Službene novine» općine Cazin broj: 2/02) u predmetu imenovanja u organe tijela čiji je osnivač Općina Cazin, u skladu sa predloženom rang listom, općinski načelnik, u svojstvu odgovornog javnog službenika, d o n o s i,

**R J E Š E N J E**

o konačnom imenovanju članova Nadzornog odbora JU «Centar za socijalni rad» Cazin

**I**

Imenuju se članovi Nadzornog odbora JU «Centar za socijalni rad» Cazin u sastavu kako slijedi:

1. Samardžić Nermina, predsjednik
2. Sivić Selvedina, član
3. Mušić Fatima, član

**II**

Mandat članova Nadzornog odbora traje četiri godine od dana imenovanja.

**III**

Rješenje stupa na snagu danom donošenja a ima se objaviti u «Službenim novinama» općine Cazin i «Službenim novinama» F BiH.

OPĆINSKI NAČELNIK  
Nermin Ogrješević, dipl.ecc

**Broj: 01/N-05-7030/05**

**Datum: 31.08.2005.godine**

\*\*\*\*\*

**913.** Na osnovu člana 13. stav 3. Odluke o preuzimanju prava i obaveza osnivača prema JU «Dom kulture» Cazin («Službene novine» općine Cazin, broj: 2/00), u skladu sa članom 34. stav 3. Zakona o javnim ustanovama («Službeni list R BiH» br. 6/92), a u vezi sa članom 12. stav 3. Zakona o ministarskim, vladinim i drugim imenovanjima («Službene novine» F BiH broj: 12/03) i člana 139. Statuta općine Cazin («Službene novine» općine Cazin broj: 2/02) u predmetu imenovanja u organe tijela čiji je osnivač Općina Cazin, u skladu sa predloženom rang listom, općinski načelnik, u svojstvu odgovornog javnog službenika, d o n o s i,

**R J E Š E N J E**

o konačnom imenovanju članova Nadzornog odbora JU «Dom kulture» Cazin

**I**

Imenuju se članovi Nadzornog odbora JU «Dom kulture» Cazin u sastavu kako slijedi:

1. Kuduzović Hasiba, predsjednik,
2. Vilić Emir, član,
3. Kapić Husnija, član.

**II**

Mandat članova Upravnog odbora traje četiri godine od dana imenovanja.

## III

Rješenje stupa na snagu danom donošenja a ima se objaviti u «Službenim novinama» općine Cazin i «Službenim novinama» F BiH.

OPĆINSKI NAČELNIK  
Nermin Ogrišević, dipl.ecc

**Broj: 01/N-05-7031/05**

**Datum: 31.08.2005.godine**

\*\*\*\*\*

**914.** Na osnovu člana 155. stav 4. Zakona o sigurnosti saobraćaja na putevima ("Službeni glasnik USK", broj 4/97), u vezi sa članom 18. tačka 8. Statuta općine Cazin ("Službene novine općine Cazin", broj: 2/02), a povodom održavanja svečanosti otvaranja Centralnog šehidskog obilježja, Općinski načelnik donosi:

## ZAKLJUČAK

## I

U cilju nesmetanog održavanja svečanosti otvaranja Centralnog šehidskog obilježja dana 06.08.2005. godine obustavlja se saobraćaj na Trgu branilaca BiH.

## II

Obustava saobraćaja iz prethodne tačke počinje u 18.00 sati i traje sve dok za to postoje objektivni razlozi, a najkasnije do 23.00 sata.

## III

Ovaj zaključak stupa na snagu danom donošenja i ima se objaviti u Službenim novinama općine Cazin.

OPĆINSKI NAČELNIK  
Nermin Ogrišević, dipl.ecc

**Broj: 01/N-05-6282/05**

**Cazin, 05.08.2005. godine**

\*\*\*\*\*

**915.** Na osnovu člana 155. stav 4. Zakona o sigurnosti saobraćaja na putevima ("Službeni glasnik USK", broj 4/97), u vezi sa članom 18. tačka 8. Statuta općine Cazin ("Službene novine općine Cazin", broj: 2/02), a povodom održavanja svečanosti obilježavanja Dana općine Cazin, Općinski načelnik donosi:

## ZAKLJUČAK

## I

U cilju nesmetanog održavanja svečanosti obilježavanja Dana općine Cazin dana 05.08.2005. godine obustavlja se saobraćaj na Trgu branilaca BiH.

## II

Obustava saobraćaja iz prethodne tačke počinje u 16.00 sati i traje sve dok za to postoje objektivni razlozi, a najkasnije do 22.00 sata.

## III

Ovaj zaključak stupa na snagu danom donošenja i ima se objaviti u Službenim novinama općine Cazin.

OPĆINSKI NAČELNIK  
Nermin Ogrišević, dipl.ecc

**Broj: 01/N-05-6283/05**

**Datum: 22.08.2005.godine**

\*\*\*\*\*

**SADRŽAJ****OPĆINSKO VIJEĆE**

905. ODLUKA o upotrebi grba i zastave općine Cazin.....	2
906. ODLUKA o općinskim priznanjima.....	3
907. ODLUKA o dodjeli priznanja PLAKETA OPĆINE CAZIN.....	4
908. ZAKLJUČAK broj: 01/V-05-6902/05.....	5
909. ZAKLJUČAK broj: 01/V-05-6903/05.....	5
910. ZAKLJUČAK broj: 01/V-05-6901/05.....	5

**OPĆINSKI NAČELNIK**

911. RJEŠENJE o imenovanju Komisije za izradu prijedloga forme plana rada, financijskog plana, izvještaja o radu i financijskog poslovanja.....	6
912. RJEŠENJE o konačnom imenovanju članova Nadzornog odbora JU «Centar za socijalni rad» Cazin.....	6
913. RJEŠENJE o konačnom imenovanju članova Nadzornog odbora JU «Dom kulture» Cazin.....	6
914. ZAKLJUČAK broj: 01/N-05-6282/05.....	7
915. ZAKLJUČAK broj: 01/N-05-6283/05.....	7

**IZDAVAČ: SLUŽBA ZA STRUČNE POSLOVE OPĆINSKOG VIJEĆA I OPĆINSKOG  
NAČELNIKA**

**Uređuje: Sekretar Općinskog vijeća Ismet Kapić**